

**Leeter masa Pawl ma wuzlala
ngeeme a
Tesalawnik hay
Mey da ray
Leeter masa Pawl ma wuzlala
ngeeme a Tesalawnik hay**

Leeter e keɗe, ara Pawl ma wuzlalatara a Tesalawnik hay. Ndəhay ga a wulkam ara ɗerewel mawuzlalakaya teesɗ da ray siya hay daa Mejəwey-mey Mawiya. Pawl a wuzlalamara leeter e na, ata bama ta ata Silas leŋ Timawte. Ara maja ngene, Pawl ma ləvey: «Ala, ala» dey weewe (1.1).

Tesalawnik na, ara berney masa ndəhay fa kam filaw ga da hwad a. Ara maja ngene, Jəwif hay ta ndəhay daa hwayak hay mekele mekele daa berney a daha. Masa Pawl aa daa berney a na, Jəwif hay siya ta təbmara meesərkedey anga daa ba. Da ray ngene, mevel a catar, a wudam mey anga ba. Anda keɗe, ndəhay daa mecəmey-ray nga Yesu fetede, a səhwdamata ata Pawl ta Silas aa berney nga Bere ta tavad (SNM 17.10). Fa dəba ha, Pawl a daw a Aten.

Masa Pawl anga daa berney nga Aten na, ta', a slərda Timawte fa Tesalawnik hay amba a cəndərwa mey da ray menjey ata daa cəved nga Yesu (3.1-3). Timawte a vəhwa a hətfar Pawl da Kwarinti. A ləvar a Pawl, ndəhay da Tesalawnik fa təbmara mey nga Yesu ma fəna ma fəna. Ta ngene he cəpa na, ndəhay a, a wulkam Yesu a da

vəhwa ta vara. Ndəhay ma məcam masa anğa ta vəhwa daa ba aran na, a da diyam ama? Pawl ta mbədfatara la aa mey ata ha daa leeter e kefe daa fasəlawal 4 ta 5. Ama teesef na, a ləvtar a wudta kalah, a wudfey nğa hətatar fa dey saya (1.2–3.13). Asaya a vəltar gədan nğa njeý daa cəved nğa Yesu, nğa daw fa mey fa mey daa cəved e (4.1-12).

Daa leeter e kefe na, mey mekele mekele daha nğa vəley gədan a ndəhay:

Menjeý maaya ma mbafar a Gazlavay (4.1)

Yesu a vəhwa la (4.13–5.11)

Cek hay maaya masa ndəhay nğa Yesu ma da kamara (5.12-22)

Cek masa Gazlavay ma wudfey fa ndəhay (5.16-18)

Mecey-har

¹ Ara yah, Pawl, ma wuzlala leeter kefe. Ala ta ata Silas leñ Timawte, ya camakwar har, akwar ndəhay daa Egəliz da Tesalawnik, akwar masa macəmkaya ta *Gazlavay Papa aləkwa leñ ta Bay aləkwa Mahura *Yesu *Kəriste.

Anja Gazlavay nğa pəskwar mey, asaya nğa njadakwar daa zazay.

Pawl a kar suse a Gazlavay maja Tesalawnik hay

² Daa masa ala fa dəram dangay a Gazlavay na, ala fa wulkam da ray akwar mandaw mandaw, ala fa kamar suse a Gazlavay maja akwar tabiya.

1:1 1.1 Silas: 2Kwr 1.19; 2Tes 1.1; 1Pi 5.12; Timawte: 1Kwr 4.17; Tesalawnik: SNM 17.1

³ Asaya, daa medørey-dangay ala a Gazlavay Papa aløkwa na, ala fa sɛrfadamara sløra masa akwar ma kamara, maja akwar fa pamara Yesu nga ndaw akwar fara fara. Ala fa sɛrfadamara akwar fa kam sløra ta gødan maja ka wudmara Yesu, asaya, akwar fa pam lenjesl mandaw mandaw a ray cek masa ka sɛrmara ka høtam la ta fa Bay aløkwa Mahura Yesu *Køriste. ⁴ Mølma adaw hay daa *mecømey-ray nga ndøhay nga Yesu, ya sɛrmara Gazlavay a wudkwar kalah, asaya, ta walakwar la nga key ndøhay anga hay. ⁵ Sɛrmara daa masa ala fa wuzdamakwara *Mey-maaya-mawiya na, mey a, a wusey fa akwar na, ara ta mey meeguzley daada ba, ama ta gødan nga *Mesøfney nga Gazlavay may. Mey masa ala maa guzldamara na, ya sɛrmara ara mey fara fara. Daa masa ala da wuzlah akwar na, ka sɛrmara menjey ala. Ya ta kam cek la nga jønkwar.

⁶ Akwar na, akwar fa kam cek anda ala, asaya, akwar fa kam cek anda Bay Mahura Yesu. Akwar ta sɛram banay la ga, ama ka ta tøbmara mey nga Gazlavay la cønga, ka tøbmara ta meesømey, meesømey masa Mesøfney nga Gazlavay ma vøldakwara. ⁷ Anda kedø, akwar fa kam cek maaya haa ndøhay nga Gazlavay tabiya da Masadøwan len da Akay a nøkam dey fa akwar, a kamara køne. ⁸ Fara fara mey nga Bay aløkwa Mahura a zlawa na, fa akwar haa a wusey fa ndøhay da Masadøwan

1:2 1.2-3 2.13; Føl 1.3; Kwa 1.3; 2Tes 1.3; 2.13 **1:3** 1.3 5.1-2

1:4 1.4 2Tes 2.13, 16 **1:5** 1.5 1Kwr 4.20 **1:6** 1.6 SNM 17.5-9; 2Kwr 6.10; 2Tes 3.7, 9

leŋ da Akay. Asaya, kwa ndəhay daa wura, daa wura, fa cəndamara akwar fa təbmarā mey ŋga Gazlavay. Da ray ŋgene, ala fa daa guzlmatar da ray metəbey-mey akwar na, daa saba, ⁹ maja ndəhay a fa zəldamakwar sləmay, a ləvam akwar ta təbmandar la maaya maaya daa masa ala da wuzlah akwar. Asaya, a ləvam akwar ta mbəkdamara metey kuley sem amba ka səpam Gazlavay masa ta dey, Gazlavay masa fara fara. ¹⁰ Anda keɗe, akwar fa səkwmarā Bəzey ŋga Gazlavay ma da vəhwa da gazlavay da vad. Bəzey a na, ara Yesu masa Bay Gazlavay ma sləkɗadərwa daa meməcey heyey. Ara aŋga ma da ka amba Gazlavay a cey mevel a ray aləkwa ba ta pas masa Gazlavay ma da ka sariya.

2

Mey da ray sləra ŋga Gazlavay masa Pawl ma ka da Tesalawnik

¹ Məlma ala hay daa *mecəmey-ray ŋga ndəhay ŋga Yesu, akwar ta ray akwar, ka sərmara ala ma diyam fa akwar heyey na, ara ŋga tede ba. ² Asaya, ka sərmara daa masa ala ma wusam fa akwar daa ba araŋ na, ndəhay daa berney ŋga Fəlepi ta sərdamandar banay la, ta cəɗmandar la. Masa ala ma wusam la fa akwar na, ndəhay ga ta kam həma la a ray ala may. Ama Gazlavay ta vəlndar gədaŋ la, amba ya wuzdamakwara Mey aŋga maaya mawiya cəŋga. ³ Masa ala fa wuzam mey da ray

1:8 1.8 Rm 1.8 **1:9** 1.9 Jan 17.3; SNM 14.15 **1:10** 1.10 5.1-2, 9; Rm 5.9 **2:1** 2.1 1.5, 9 **2:2** 2.2 SNM 16.19-24; 17.1-9

cøved maaya a ndøhay na, ya wuzdamara na, ta membørzley da hwad a daa ba, asaya, ala fa kam sløra ta mevel maaya, ala fa batam ndøhay daa ba. ⁴ Ama Gazlavay ta sangalandar la, ta søra la, ala ndøhay anga hay fara fara. Anda keðe, ta vøldandara *Mey-maaya-mawiya ha la amba ya wuzdamara a ndøhay. Maja ngene, yaa guzlam na, amba a mbafatar a ndøhay ba, ama amba a mbafar a Gazlavay ma søra mevel ala.

⁵ Ka sømara daa masa ala da wuzlah akwar na, ala faa guzlam mey maaya maaya nga mbafakwar nga føcmakwar daa ba, ala fa wulkam amba ya batam cek fa ndøhay na, daa ba. Mey masa ala ma kadamara, kwa Gazlavay na, a søra ara mey fara fara. ⁶ Ala ta wufam amba kwa waawa a hølmandar na, daa ba. Kwa akwar, kwa ndøhay mekele, ala ta wufam amba ndaw a hølmandar na, daa ba.

⁷ Ala na, ya gwamara nga wey da ray akwar maja ala ndøhay meslørey nga Yesu. Ama ala ta kamara køne daa ba. Ala na, ndøhay meekwed-mey da wuzlah akwar anda mamañ maaya ma nøkey dey fa bøk anga hay. ⁸ Ala fa wufmakwar kalah. Da ray ngene, ala ta wuzdamakwara Mey-maaya-mawiya nga Gazlavay la. Ama ala ta meesømey nga key cek mekele ma fønə saya. Ala ta meesømey ga nga vøldamara kwa ray ala maja akwar, maja ala ta wufmakwar sem kalah. ⁹ Mølma ala hay daa mecømey-ray nga ndøhay nga Yesu, sløra masa ala ma kamara ta gødanj ta

2:3 2.3 2Kwr 4.2 **2:4** 2.4 Jer 11.20; 1Tm 1.11; Gal 1.10; Ef 3.2

2:5 2.5 2.10; SNM 20.33; 2Kwr 1.23 **2:6** 2.6 Jan 5.41, 44

gödaŋ ɲgada akwar na, akwar fa sɛrfadamara, ba diya? Daa masa ala fa wuzdamakwara Mey-maaya-mawiya ɲga Gazlavay na, ala ta mɛskam vaw daa ba, ala ta kam slɛra la taa vadɔ, taa pas, amba ya njam fa har akwar ba.

¹⁰ Daa masa ala da wuzlah akwar, akwar ndɛhay ma tɛba mey ɲga Yesu na, menjey ala aŋga maaya na, maja ala fa jɛkam slɛmay si fa Gazlavay, ala fa kam cek ta cɛved e, asaya, kwa ndɛhay faa guzlam mey maaya ba da ray ala daa ba. Kwa akwar na, ka sɛrmara menjey ala. Gazlavay may, a sɛra.

¹¹ Asaya, ka sɛrmara ala ta kam cek la kwa ɲgada waawa da wuzlah akwar anda papaŋ ma key cek ɲgada bɛz aŋga hay. ¹² Ala fa vɛlmakwar gödaŋ, ala fa dɛkmakwar mevel, asaya, ala faa guzlmakwar mandaw mandaw amba ka njam, ka kam cek anda Gazlavay ma wudɛy. Ara aŋga ma zɛlkwar ɲga njey a wuzlah ndɛhay masa aŋga fa wey da ray ata amba ka sɛrmara maaya aŋga.

¹³ Yaw, ala fa kamar suse a Gazlavay mandaw mandaw saya na, maja daa masa ala fa wuzdamakwara mey ɲga Gazlavay na, akwar ta jɛkam slɛmay la. Akwar ta tɛbmara mey a anda mey ɲga ndɛhay magödaŋ daa ba, ama ka tɛbmara na, anda mey ɲga Gazlavay. Fara fara mey a, ara mey ɲga Gazlavay. Mey a, a vɛlkwar gödaŋ ɲgada akwar ndɛhay ɲga Gazlavay.

¹⁴ Mɛlma ala hay daa mecɛmey-ray ɲga ndɛhay ɲga Yesu, ndɛhay akwar hay ta sɛrdamakwar

2:9 2.9 2Tes 3.7-9; SNM 18.3 **2:10** 2.10 2.5 **2:11** 2.11 SNM 20.31 **2:12** 2.12 4.1; Rm 5.2; Fɛl 1.27 **2:13** 2.13 1.2-3; Gal 1.11-12

banay la anda *Jewif hay ma sêrdamata banay ta ndêhay daa Egêliz hay nga Gazlavay daa hwayak nga *Jude. Anda kedê, akwar anda ndêhay ma têba mey nga Yesu *Kêriste daa hwayak nga Jude he masa Jewif hay ma sêrdamata banay. ¹⁵ Jewif hay na, ta kêdmata ndêhay ma têla mey nga Gazlavay la zleezle. Jewif hay mekele hay ta kêdmara Bay Mahura Yesu la vagay. Asaya, Jewif hay mekele hay saya ta sêrdamandar banay la may. Ndêhay a ngene, Gazlavay faa sêmey da ray ata daa ba. Ata masagêra hay nga ndêhay tabiya. ¹⁶ A têkmandar nga wuzey mey nga Gazlavay a ndêhay masa Jewif hay ba hay, mey masa ma da lêhdata. Jewif hay a, ata ta mebêrey ga, ama ata fa kam mebêrey mandaw mandaw a dey a, a dey a. Anda kedê, Gazlavay a bêsa mebêrey ata ha saba, a cey mevel a ray ata, a katar sariya.

Pawl a wudêy nga daw nga nêktêrwa Tesalawnik hay saya

¹⁷ Mêlma ala hay daa *mecêmey-ray nga ndêhay nga Yesu, ala na, ta wudkam la ta akwar nga dêar nekêfey, ama mevel ala anga ta akwar cênga. Ala ta kam gêdan la nga vêhey fa akwar, maja ala fa wudam nga hêtmakwar fa dey saya.

¹⁸ Ara maja ngene, ala ta wudam la nga vêhey fa akwar. Fara fara yah, Pawl, ta ray adaw, ya ta kêfey vaw la dey weewe nga daw fa akwar, ama *Satan ta têkndar sem. ¹⁹ Ya wudam nga

2:14 2.14 SNM 17.5 **2:15** 2.15 SNM 2.23; 9.23, 29; 13.45, 50; 14.2, 5, 19; 17.5, 13; Rm 11.28; 2Kwr 11.23-29 **2:16** 2.16 Mt 23.31-33 **2:17** 2.17 3.10

vøhey fa akwar na, maja akwar ndøhay masa ala fa pamara mewulkey ala a ray akwar, akwar ndøhay ma vømandar meesømey, asaya, ara akwar ma da wuzdamandara ala ta kam sløra maaya la. Maja ngene, ya daa sømam fa mey nga Bay aløkwa Mahura Yesu ta pas masa anga ma da vøhwa. ²⁰ Fara fara ala fa hølmmamara Bay aløkwa Mahura maja akwar, asaya, ala faa sømam maja akwar.

3

¹ Masa ala ma cønám mey da ray akwar daa ba heyey na, ya gwamara nga bøspara ba. Anda kedè, ala ta wulkam la, maaya na, ya njam da Aten taava ala, ² ya slørdamara Timawte fa akwar. Timawte he na, ara mølma aløkwa daa mecømey-ray nga ndøhay nga Yesu, ala ma kam sløra nga Gazlavay bama nga wuzey *Mey-maaya-mawiya da ray *Køriste. Da ray ngene, ya ta slørdamara la fa akwar nga jønkwar, asaya, nga vøkwar gødan daa mey nga Yesu. ³ Ya slørdamara na, amba banay masa akwar ma sømpara na, a mbødä lenge-sl kwa nga waawa da wuzlah akwar ba. Akwar na, ka sømpara maaya maaya, banay hay a na, ara cek ma key daa menjey aløkwa, aløkwa ndøhay nga Gazlavay. ⁴ Daa masa ala da wuzlah akwar na, ya ta løvmakwar la, ya da sørkwa banay. Ka sømpara fara fara banay a, ta wuswa la. ⁵ Da ray ngene, daa masa ala ma gwamara nga

2:19 2.19-20 1Kwr 9.24-25; Føl 4.1; 2Tes 1.4 **3:1** 3.1 SNM 17.15

3:2 3.2 Timawte: 1.1 **3:3** 3.3 Ef 3.13; 2Tes 1.4; 2Tm 3.12 **3:4** 3.4 SNM 14.22

vøhey fa akwar daa ba heyey na, ya gwamara nga bømara ba. Ta', ya slørda Timawte fa akwar amba ya cønda mey da ray akwar, da akwar fa tømara mey nga Yesu cønga may kwa. Ya zlurey maja Satan a da batakwar. Da ta batakwar sem na, sløra masa ala ma kamara da wuzlah akwar heyey na, a da tørey nga cek nga tede.

⁶ Timawte ta daw la fa akwar, wure kede ta vøhwa cay fa ala. Taa guzldar mey maaya la da ray akwar, a løyey akwar ta gødan daa mey nga Yesu, asaya, akwar fa wudam vaw da wuzlah akwar. A løyey saya, akwar fa sørfadamandar maaya maaya cønga. Akwar fa wudam nga hømmandar saya anda ala ma wudam nga hømakwar saya may. ⁷ Mølma ala hay daa mecømey-ray nga ndøhay nga Yesu, ala fa søram banay kalah, ama daa masa ala ma cøndamara, akwar ta gødan daa mey nga Yesu na, mey a ta vøldar gødan la ga. ⁸ Wure kede, ala ta meesømey ma føna ma føna maja akwar fa tømara mey nga Bay Mahura ta mevel pal. ⁹ Fara fara, ala faa sømam ga maja akwar. Ala fa kamar suse a Gazlavay, ama kwa ya kamar suse høma kwara na, suse ala ha a wusa ba. ¹⁰ Ala fa døram dangay taa vad, taa pas mandaw mandaw ta mevel pal amba ya hømakwar fa dey, asaya, amba yaa sørkadamakwar cek masa akwar ma sømara daa ba aran da ray cøved nga Gazlavay.

3:5 3.5 Føl 2.16 **3:6** 3.6 SNM 18.5; 2Tes 1.3; 1Tm 1.5; Flm 5-7; Gal 5.6 **3:7** 3.7 2Tes 1.4 **3:10** 3.10 2.17

¹¹ Anja Gazlavay Papa aləkwa ta ray anja leŋ Bay aləkwa Mahura Yesu nga wurmandara cəved amba ya diyam fa akwar. ¹² Asaya, anja Bay aləkwa Mahura nga ka amba ka wudam vaw da wuzlah akwar ma fəna ma fəna, asaya, amba ka wudmata ndəhay tabiya anda ala ma wudmakwar may. ¹³ Anja Bay aləkwa Mahura nga vəkwar gədaŋ amba cek malamba a njeŋ aa mevel akwar ba, asaya, amba ta pas masa anja ma da vəhwa a bəla ta ndəhay anja hay na, akwar ndəhay maaya manjar mebərey fa meŋ nga Gazlavay Papa aləkwa.

4

Mey da ray menjeŋ maaya ma mbafar a Gazlavay

¹ Məlma ala hay daa *mecəmey-ray nga ndəhay nga Yesu, wure kefe ya wudam ngaa guzlmakwar da ray cek mekele. Zleezle na, ala taa sərkaɗamakwar la da ray menjeŋ maaya ma mbafar a Gazlavay. Fara fara menjeŋ akwar a, aa kəne. Ama wure kefe, ala faa cəfdamakwar ta mezəley nga Bay Mahura Yesu, ala faa cəfdamakwar ta mevel pal amba ka səpam menjeŋ maaya ma mbafar a Gazlavay ma fəna ma fəna.

² Ala taa sərkaɗamakwar la da ray cek hay nga key, maja ara Bay Mahura Yesu ma pandar ngaa sərkaɗa. Ka sərmara cek hay masa ala maa sərkaɗamakwara ha, ba diya? ³ Gazlavay

a wufey na, ka tɔram ndɔhay manjar mebɔrey, ka da lam vaw saw ba. ⁴ Maaya na, kwa waawa da wuzlah akwar a sɔra nga njeɣ maaya maaya ta ngwas anga anda Gazlavay ma wufey, amba ndɔhay aa guzlam maaya ba da ray menjeɣ akwar ba. ⁵ Ka da sɔpam nga key cek malamba ba. Ma kam cek anda ngene na, ara ndɔhay ma sɔmara Gazlavay ba. ⁶ Da ray meɣ a keɔe na, ndaw a da kar cek maaya ba a mɔlmaha ba, a da bata ba sɔlak, maja Bay alɔkwa Mahura a da sɔrdata banay ta ndɔhay ma kam cek malamba anda ngene. Ala ta kɔtmakwar la zleezle da ray cek aha. ⁷ Yaw, Gazlavay ta zɔndakwar nga key cek hay malamba daa ba, ama a zɔndakwar na, amba ya tɔrkwa ndɔhay maaya fa meɣ anga. ⁸ Ndaw ma rɔsa meɣ a keɔe na, a rɔsey ngene na, ndaw ba, ama a rɔsey Gazlavay ma vɔlkwar Mesɔfney anga. Mesɔfney anga ha na, maaya, manjar mebɔrey.

⁹ Akwar fa wufam vaw da wuzlah akwar. Da ray ngene, ala fa da wuzlalamakwar da ray mewufey-vaw na, daa saba, maja Bay Gazlavay taa sɔrkadakwar cay nga wufey vaw da wuzlah akwar. ¹⁰ Fara fara, akwar fa wufam vaw da wuzlah akwar, akwar fa wufmata ndɔhay nga Yesu tabiya masa daa hwayak nga Masadɔwan. Mɔlma ala hay daa mecɔmey-ray nga ndɔhay nga Yesu, ya kamakwar ambahw amba ka wufam vaw ma fɔna ma fɔna saya. ¹¹ Asaya, kam gɔdaŋ amba ka njam daa zazay, amba kwa

4:3 4.3 5.23; 1Kwr 6.13; Heb 10.10 **4:7** 4.7 4.3; 1Pi 1.15-16

4:8 4.8 1Kwr 6.19-20 **4:9** 4.9 Jer 31.33-34; Gal 6.10; Ef 5.2

4:10 4.10 2Tes 3.4

waawa a nōkey dey fa sløra masa fa mey anğa, amba kwa waawa a zōmey cek si ta fa mawurbay anğa, anda ala ma kōtmakwar zleezle. ¹² Da akwar fa kamara kōne na, ndōhay ma tōba mey nğa Yesu ba a namakwar ray la. Asaya, akwar fa da røkam cek fa ndōhay daa ba.

Mey da ray pas masa Bay Mahura Yesu ma da vōhwa

¹³ Mōlma ala hay daa *mecōmey-ray nğa ndōhay nğa Yesu, ya wudam ka sōrmara cek ma da key da ray ndōhay nğa Yesu mamōctakaya amba ka tōwam anda ndōhay mekele ba. Ndōhay mekele he na, fa pam lenğesl nğa hōtey heter nğa njeý ta Yesu nğa sōrmataw daa ba.

¹⁴ Ya sōrkwa Yesu ta mōcey sem, fa dōba ha, ta slōkdawa sem daa memōcey. Da ray nğene, sōrmara fara fara ndōhay nğa Yesu mamōctakaya na, Gazlavay a slōkđadatōrwa la daa memōcey amba a njam ta Yesu a.

¹⁵ Mey masa ala ma daa guzlmakwar wure kede na, ara mey masa Bay Mahura Yesu maa sōrkadatara a ndōhay. Mey a, a lōvey, ta pas masa Yesu ma da vōhwa a bōla na, alōkwa masa ta dey da bōla kede, alōkwa fa da nakwa teesed da ray ndōhay mamōctakaya nğa ceý ray ta anğa daa ba. ¹⁶ Anda melōvey, ta pas nğene, Gazlavay aa guzlwa la ta gōdan. Maslan anğa mahura a wudeý la ta gōdan, đay nğa taalam

4:11 4.11 2.9; Ef 4.28; 2Tes 3.10, 12 **4:12** 4.12 1Kwr 5.12-13; Kwa 4.5 **4:13** 4.13 1Kwr 15.18-19; Ef 2.12 **4:13** 4.13-17 5.1-2; 1Kwr 15.51-52 **4:14** 4.14 Rm 14.9; 1Kwr 15.3-4, 12, 20 **4:15** 4.15 1Kwr 7.10, 25

nga Gazlavay a cənwa la. Fa dəba ha, Bay aləkwa Mahura Yesu ta ray anğa, a pawa salay da vad. Ndəhay anğa hay maməctakaya na, a sləkdamawa la daa meməcey teesed, ¹⁷ fa dəba ha, aləkwa masa ta dey na, Gazlavay a həlndakwar la ta ndəhay maməctakaya heyey aa mekwtene, amba ya cakwa ray ta Yesu daa memed da vad. Anda keđe, ya da njakwa nga sərmataw ta Bay aləkwa Mahura Yesu. ¹⁸ Maja nğene, dəkam mevel da wuzlah akwar ta mey a keđe.

5

Ma da diyey vaw nga səkwey Yesu ma da vəhwa na, kwara?

¹ Məlma ala hay daa *mecəmey-ray nga ndəhay nga Yesu, mey da ray pas masa Yesu ma da vəhwa na, ala fa da wuzlalamakwar da ray a daa ba, ² maja akwar ta ray akwar, ka səmara pas masa Yesu ma da vəhwa na, a sərey ba, anğa anda pas masa ndaw-mayal ma da mbəzey a way ndaw ta tavad ma sərey ba. ³ Da masa ndəhay fa ləvam: «Ala daa zazay, cek ma da hətfandar daa ba» na, nğene, banay a da sawa a ray ata dərfafoy anda hwad ma car nğada nğwas ma da yawa. Ndəhay ma wulkam anda nğene na, fa da ləham daa ba səlak. ⁴ Ama, akwar, məlma ala hay daa mecəmey-ray nga ndəhay nga Yesu na,

4:16 4.16 1Kwr 15.23 **4:17** 4.17 Jan 12.26; Rm 5.17; Fəl 3.20

5:2 5.2 1.2-3, 10; 2.19; 3.13; 5.23; Mt 24.36; Fəl 4.5; 2Tes 1.7, 10; 2.1-2; anda pas masa ndaw-mayal ma sawa: Mt 24.43; 2Pi 3.10; CWJ 3.3; 16.15 **5:3** 5.3 Jer 6.14-15; Mt 24.39

akwar ndəhay masa ma njam daa ləvan̄ ba. Da ray ɲgene, pas masa Yesu ma da vəhwa na, fa da hətfakwar dərfaɲay anda ndaw-mayal ma hətfey ndaw na, daa ba. ⁵ Akwar tabiya na, ndəhay ma njam daa slam-mewedey, ma səkwmarə pas ɲga Yesu ma da vəhwa. Aləkwa ndəhay ma njam daa ləvan̄ ba, asaya, aləkwa ndəhay ɲga tavaɲ ba.

⁶ Maja ɲgene, ya da njakwa anda ndəhay mekele ba. Ya da nakwa dər ba, ama njakwa ta mewey vaw, asaya, pakwa len̄gesl fa ray aləkwa. ⁷ Ndəhay a nam na, ta tavaɲ. Ndəhay a sam wuzam, a wam na, ta tavaɲ may. ⁸ Ama aləkwa na, ndəhay ma səkwmarə pas ɲga Yesu ma da vəhwa. Da ray ɲgene, pakwa len̄gesl fa ray aləkwa. Njakwa mandaw mandaw daa metəbey-mey ɲga Yesu, asaya, wudkwa vaw da wuzlah aləkwa. Menjey anda keɲe na, ara anda ndaw ma bərɲa dadak aɲga ta zana ɲga bərey ɲga key vərəm. Pakwa len̄gesl fa meləhey masa aləkwa ma hətkwa ta fa Yesu. Mepey len̄gesl fa meləhey a na, ara anda ndaw ma pey jikwew ɲga bərey ɲgadaa vərəm. ⁹ Yaw, Gazlavay a walandakwar na, amba a sərdandakwar banay ba. Ama a walandakwar amba a ləhdandakwar ta fa Bay aləkwa Mahura Yesu *Kəriste. ¹⁰ Yesu Kəriste he ta məcey la maja aləkwa amba ya njakwa daa slam a ta aɲga. Pas masa aa ma da vəhwa, kwa aləkwa ta dey, kwa aləkwa maməctakaya na, ya njakwa la daa slam a ta aɲga. ¹¹ Da ray ɲgene, vələm gədaɲ da wuzlah akwar, jənam vaw da

5:5 5.5-8 Rm 13.11-12; Ef 5.8-9 **5:8** 5.8 Ef 6.11-17 **5:9** 5.9 1.10; 2Tes 2.14 **5:10** 5.10 4.14; Rm 14.8-9

wuzlah akwar nga tɔbey mey nga Yesu ma fɔna ma fɔna anda akwar ma kamara wure kede.

Mey nga madagway-dakw

¹² Mɔlma ala hay daa *mecɔmey-ray nga ndɔhay nga Yesu, ya kamakwar ambahw, namatar ray a ndɔhay ma kam slɔra nga Gazlavay da wuzlah akwar. Ata na, ara ndɔhay masa Bay Mahura ma pata nga *bay-ray hay da wuzlah akwar, amba a kɔtmakwar nga sɔpey cɔved anga. ¹³ Namatar ray maaya maaya, asaya, wudmata maja ata fa kam slɔra nga Gazlavay. Njam ta zazay da wuzlah akwar.

¹⁴ Mɔlma ala hay daa mecɔmey-ray nga ndɔhay nga Yesu, ya kamakwar ambahw, kɔtmata masa-mayad hay, vɔlmatar gɔdan a ndɔhay masa ta mandɔrzay daa dey, jɔnmata ndɔhay masa-bɔle daa mey nga Gazlavay. Bɔsmata ndɔhay tabiya. ¹⁵ Wam vaw! Da ndaw a kakwar cek maaya ba na, ka da kamar cek maaya ba kɔne ba. Ama daa menjey akwar na, kam gɔdan mandaw mandaw amba ka kam cek hay maaya da wuzlah akwar, asaya, amba ka kam cek maaya ngada ndɔhay tabiya.

¹⁶ Njam mandaw mandaw daa meesɔmey. ¹⁷ Dɔram dangay a Gazlavay mandaw mandaw, ka da gɔram ba. ¹⁸ Kamar suse a Gazlavay, kwa daa meeme cɔpa, maja a wudfey amba akwar ndɔhay nga Yesu *Kɔriste na, ka kamara kɔne.

5:12 5.12 1Kwr 16.15-18; 1Tm 5.17 **5:14** 5.14 2Tes 3.6, 11, 15
5:15 5.15 Rm 12.17; Fɔl 1.10 **5:16** 5.16 Fɔl 4.4 **5:17** 5.17
5.25; Lk 18.1; Rm 12.12; Ef 6.18; Kwa 4.2 **5:18** 5.18 Ef 5.19-20

¹⁹ Ka da tøkmarā slēra ŋga *Mesəfney ŋga Gazlavay ba. ²⁰ Ka da rəsmara mey hay ŋga ndəhay ma tēla mey ŋga Gazlavay ba.

²¹ Saŋgalamata mey hay a maaya maaya dāgay. Da mey hay a, a samawa ta fa Gazlavay fara fara na, ŋgene, təbmara mey hay a, aa mevel akwar.

²² Ka da kam cek malamba ba səlak.

²³ Anja Gazlavay ta ray anġa, ndaw ma njadata ndəhay daa zazay, ŋga ka amba ka təram ndəhay manjar mebərey, ŋga jəda mesəfney akwar, heter akwar, ta vaw akwar cəpa maaya maaya, amba ta pas masa Bay aləkwa Mahura Yesu Kəriste ma da vəhwa na, a hətfakwar manjar mebərey. ²⁴ Gazlavay ma zəlkwār ŋga njeŋ ta anġa na, a ndəvda slēra ha la fara fara, maja cek masa anġa ma ləvey a ka la na, a ka la.

²⁵ Məlma ala hay daa mecəmey-ray ŋga ndəhay ŋga Yesu, dəram danġay a Gazlavay maja ala may.

²⁶ Camatar har maaya maaya a məlmanġ hay daa mecəmey-ray ŋga ndəhay ŋga Yesu tabiya.

²⁷ Ya kakwar ambahw ta mezəley ŋga Bay Mahura, jaŋgamara leeter kedde fa mey ŋga ndəhay ŋga Yesu tabiya.

²⁸ Anja maaya ŋga Bay aləkwa Mahura Yesu Kəriste ŋga njeŋ ta akwar.

5:19 5.19 Ef 4.30 **5:21** 5.21 1Kwr 14.29; Ef 5.10; 1Jn 4.1 **5:23**
5.23 5.1-2; 2Kwr 13.11 **5:24** 5.24 1Kwr 1.8-9; Fəl 1.6; 2Tes 3.3
5:25 5.25 1.2-3; Rm 15.30 **5:26** 5.26 Rm 16.16 **5:27** 5.27
Kwa 4.16

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

2b021919-36cf-59da-a35f-10c5e5548811